



# Daim Ntaub Ntawv Qhia Txog Qhov Txuam Thawj Tseeb Tshuaj Bebtelovimab

*(Hloov kho dua tshiab 3-2-2022)*

## Q: Tshuaj Bebtelovimab yog dab tsi?

Tshuaj Bebtelovimab yog ib hom tshuaj siv rau kev kho mob txog Tus Kab Mob Khaus Viv-19 (COVID-19) uas mob me ntsis-txog rau-mob pes nrab. Teb Chaws Mes Kas Lub Chaw Tswj Xyuas Khoom Noj thiab Tshuaj (Food and Drug Administration, FDA) tau tso cai thawj zaug rau pib siv nws nyob rau Lub Ob Hlis Ntuj 2022 lawm.

## Q: Leej twg thiaj tuaj yeem tau txais Tshuaj Bebtelovimab?

Tshuaj Bebtelovimab yog siv tau rau cov neeg uas muaj cov tsos mob me ntsis-txog-mob pes nrab ntawm Tus Kab Mob Khaus Viv-19 (COVID-19) uas:

- Yog cov muaj hnuv nyoog 12 xyoo thiab ntau dua ntawd uas muaj qhov hnyav yam tsawg yog 88 lbs.(40 kg)
- Tau kuaj pom tias muaj Tus Kab Mob Khaus Viv-19 (COVID-19)
- Muaj kev pheej hmoo siab rau kev mob Tus Kab Mob Khaus Viv-19 (COVID-19) hnyav
- Cov uas tsis muaj kev nkag cuag tau rau lwm cov kev xaiv ntsig txog kev kho mob uas tau txais kev tso cai los ntawm Lub Chaw Tswj Xyuas Khoom Noj thiab Tshuaj (Food and Drug Administration, FDA).

## Q: Yuav txhaj tus tshuaj nod tau li cas?

Tshuaj Bebtelovimab yog muab raws kev txhaj rau txoj hlab ntsha dub

## Q: Cov tsos mob mob tshwm sim nrog uas muaj feem xyuam ntawm Tshuaj Bebtelovimab yog dab tsi?

Cov Tsos Mob Mob Tshwm Sim Nrog ntawm tus tshuaj no muaj xam nrog rau:

- Los ntshav, doog ntshav, mob, thiab o rau qhov chaw uas txhaj koob tshuaj ntawd.
- Muaj kev txhaum fab rau cov khoom sib tov ntawm tus tshuaj ntawd

**Q: Dab tsi uas kuv yuav tsum tau qhia rau kuv tus kws muab kev saib xyuas kho mob paub txog ua ntej txhaj tus Tshuaj Bebtelovimab?**

Qhia rau koj tus kws muab kev saib xyuas kho mob yog hais tias koj:

- Muaj txhua yam kev txhaum fab tshuaj
- Cev xeeb me nyuam los sis muaj kev npaj yuav xeeb me nyuam
- Tseem tab tom pub niam mis rau me nyuam los sis npaj yuav pub niam mis rau me nyuam
- Muaj lwm yam kev mob nkeeg loj heev
- Tseem niaj hnuv noj ib yam tshuaj dab tsi (cov ntawv sau qhia yuav tshuaj, cov tshuaj tsis muaj daim ntawv sau qhia yuav tshuaj, cov tshuaj ntsuab ntxiv dag zog, thiab lwm yam ntxiv.)

**Q: Yam twg uas TSIS txhob siv Tshuaj Bebtelovimab rau?**

Tshuaj Bebtelovimab yuav TSIS pub siv rau:

- Kev kho mob thaum xub thawj rau cov neeg mob uas yuav tsum tau mus pw kho hauv tsev kho mob vim los ntawm Tus Kab Mob Khaus Viv-19 (COVID-19) uas mob hnyav
- Cov neeg uas tseev kom rau cua ov xis cej (oxygen) vim yog muaj Tus Kab Mob Khaus Viv-19 (COVID-19)
- Kev tiv thaiv Tus Kab Mob Khaus Viv-19 (COVID-19)

**Cov Lus Qhia Ntxiv:**

Yog hais tias koj muaj lus nug dab tsi, thov tiv tauj rau koj tus kws muab kev saib xyuas kho mob, mus saib tau rau ntawm lub vas sab (website) Tshuaj Bebtelovimab ntawm <http://www.lillyantibody.com/bebtlovimab> los sis hu rau 1 (855) 545-5921

**Kev muaj peev xwm nkag cuag tau rau daim ntaub ntawv:** Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Feem Saib Xyuas Hauj Lwm Txog Cov Kev Sib Txuas Lus Ntsig Txog Tus Kab Mob Khaus Viv-19 (COVID-19 Communications Unit) ntawm tus xov tooj 1-971-673-2411, 711 TTY los sis [COVID19.LanguageAccess@dhsosha.state.or.us](mailto:COVID19.LanguageAccess@dhsosha.state.or.us).